

**Talamdan sa
Mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 11

**Nagbuhat uban sa Dios pinaagi sa Kinabuhing Mapahaomon-sa-tanan
ug
Gipadako ang Atong Kasingkasing**

- I. Tanang magtutuong nahigugma sa Ginoo ug gustong makasakat sa sukdanan sa Dios mahimo gyong ministro sa bag-ong pakigsaad—Efe. 4:11-12; 1 Tim. 1:16:**
 - A. Ang tumong sa pahiuli sa Ginoo pagpahiuli man sa pagpangalagad og Cristo sa tanang magtutuo aron matukod ang iglesia nga Lawas ni Cristo—Efe. 4:16.
 - B. Aron mahimong mga ministro sa bag-ong pakigsaad, nagkinahanglan tag kinabuhing nangalagad og Cristo sa uban tungod ug alang sa Lawas Niya—Mat. 24:45-46.
 - C. Kining maayo kaayo, kahibulongang pagpangalagad nagkinahanglag maayo kaayong mga ministro nga maayo kaayog kinabuhi, nga ang pagkinabuhi ug pagkatawo nitakdo sa pagbuhat nila.
- II. Magbuhat gyod ta uban sa Dios pinaagi sa kinabuhi (dili sa bisan unsang gasa) nga igo-sa-tanan ug hamtong-sa-tanan, makapahaom sa tanang sitwasyon, makaantos sa bisan unsang pagtratar, makadawat sa bisan unsang palibot, makabuhat sa bisan unsang kahimtang, ug makagamit sa bisan unsang higayon, aron makatuman sa atong pagpangalagad—Gen. 5:24; Heb. 11:5; Juan 14:6a; Buh. 27:22-25:**
 - A. Ang magbuhat uban sa Dios nagpasabot nga naa ta sa Dios; ang tawo ra nga naa sa Dios ang makadala sa uban ngadto sa Dios—2 Cor. 5:20.
 - B. Dili lang nga gitahasan sa Dios ang mga apostol sa ilang pagpangalagad kondili nagbuhat sab sila uban Niya; mga masigka-magbubuhat sila sa Dios—1 Cor. 3:9a:
 1. Magbubuhat ang Dios—v. 9.
 2. Samtang nagbuhat ang mga ministro ni Cristo, ang mga masigka-magbubuhat Niya, nagbuhat sab Siya.
 3. Unsa nga pribilihiyo ug himaya nga mahimo tang mga masigka-magbubuhat sa Dios, nga nagbuhat uban Niya!
 - C. Kon buot tang maanaay kinabuhing mapahaomon-sa-tanan, nagkinahanglan tag gipadakong kasingkasing, kasingkasing nga modawat sa tanang katawhan sa Dios—2 Cor. 6:11-13; 2 Cron. 1:10; 1 Hari 4:29:
 1. Ang modako tungod sa pagtubo ug pagkahamtong nato sa kinabuhi sama ra sa hingpit nga mapasig-uli sa Dios—2 Cor. 5:18-20.
 2. Tungod sa gipadakong kasingkasing makadawat ta sa tanang magtutuo bisan unsa pay ilang kahimtang, ug tungod sa inablihang baba may kagawasan ta nga prangkang mamulong sa tanang magtutuo kalabot sa tinuod nga sitwasyon nga gikasaagan nila—Mat. 5:7; 6:14-15; 7:1-2.
 3. Kinahanglan tang modako aron dunay suod gyong pagtagad sa kinabuhing nangalagad—2 Cor. 7:2-3; 1 Tes. 2:8; Fil. 2:19-20:
 - a. Sugod sa 2 Corinto 7:2 hangtod sa kataposan sa capitulo, sa paghangyo ni apostol Pablo gipadayag niya ang suod nga pagtagad niya sa mga magtutuo, aron malipay ug madasig sila nga positibong mopadayon uban sa Ginoo sa hingpit na silang napasig-uli Kaniya—5:20.
 - b. Kon makahimo ta sa pagbuhat og buluhaton apan walay suod nga pagtagad, dili magma-bungahon ang atong buhat.
 - c. Matinud-anong makasulti si Pablo nga, “Wala mi makasala og tawo, wala mi makadaot og tawo, wala mi makapamintaha og tawo—7:2.

- d. Unsa ta kamabungahon wala mag-agad sa mahimo nato kondili duna ba tay suod nga pagtagad o wala ba—1 Cor. 12:31b; 9:22; Mat. 9:12.
 - e. Ang kinabuhing nangalagad kinabuhi nga nagpadasig sa uban sa pagpangga kanila diha sa pagka-tawo ni Jesus aron matil-ogan sila diha sa pagkadios ni Cristo sa kadato Niya—Efe. 5:29.
 - f. “Nakaingon na ko kaniadto nga nia mo sa among kasingkasing aron mag-uban tang mamatay ug mag-uban tang mabuhi”; kini ang pagpadayag sa suod nga pagtagad—2 Cor. 7:3b.
- D. Sa 2 Corinto 6:1-13 ug 7:2-3 gipakita ni apostol Pablo ang iyang kaugalingon nga sumbanan sa tawo nga ang kasingkasing nidako na, tawo nga dunay mapahaomon-sa-tanan nga kinabuhi nga magtuman sa pagpangalagad sa bag-ong pakigsaad—11:23-24, 27-28.

III. Kanang hingpit nga mapasig-uli sa Dios makapadako sa atong kasingkasing—5:18; 6:11-13:

- A. Unsa kadako ang atong kasingkasing nag-agad asa kutob ta napasig-uli sa Dios.
- B. Ang pagkapiot sa kasingkasing lig-ong nagpakita nga wala pa ta hingpit nga mapasig-uli sa Dios ug wala pa kaayo ta maluwas—v. 2; Rom. 5:10.
- C. Kon makapasaylo tag sala unya makalimot niini, ilhanan kana nga nidako na ta, naay dakong kasingkasing—Mat. 18:21-35; Efe. 4:32; Col. 3:13.
- D. Aron magmahigpit ta sa atong kaugalingon ug dili sa uban, kinahanglan modako ta; kadtong tarong kaayo sagad nga piot sab, ug tungod niana nagkinahanglan sila nga modako ang ilang kasingkasing—2 Cor. 6:13.
- E. Gihatagan sab sa Dios si Haring Salomon og dako nga kasingkasing, dugang sa kaalam—1 Hari 4:20, 29:
 - 1. “Gihatagan sa Dios si Salomon og kaalam ug pagpanabot nga hilabihan gyod ug kadako sa kasingkasing, sama ngani sa balas nga naa sa baybayon”—v. 29.
 - 2. Ang kaalam ni Salomon landong sa tinuod nga kaalam nga moabot—itandi sa 1 Cor. 2:6-7.
 - 3. Ang kaalam ug kadako sa kasingkasing duha ka aspeto sa usa ka butang; ang sekreto sa kaalam pagkaanaa may dako nga kasingkasing.
 - 4. Dakog kasingkasing ang mga maalamon, apan buangbuang ang piot og kasingkasing.
 - 5. Kon piot ang tawo ug piot ang iyang kasingkasing, dali ra siyang magpasigarbo; ang garbo maoy pagpadayag sa kapiot sa tawo.
- F. Masilsil gyod unta sa atong panumdoman ang kalainan sa kapiot sa kasingkasing ug kadako sa kasingkasing:
 - 1. Kapiot sa kasingkasing—dili mopasaylo sa laing tawo kon dili siya maghinulsol; kadako sa kasingkasing—pagkaanaay mahigugmaon ug mapasayloong kasingkasing sa atong Amahan nga Dios—Luc. 15:20-24; 23:34a; Buh. 7:59-60; Mar. 11:25.
 - 2. Kapiot sa kasingkasing—nagtagad sa kaugalingon natong mga butang; kadako sa kasingkasing—nagtagad sa mga butang ni Cristo Jesus—Fil. 2:19-21.
 - 3. Kapiot sa kasingkasing—nagtagad sa kaugalingong pagkaespirituhanon; kadako sa kasingkasing—nagtagad sa iglesia—1 Cor. 14:3-4, 12, 18-19.
 - 4. Kapiot sa kasingkasing—naay kasingkasing nga alang ra sa pila ka magtutuo ug mga iglesia; kadako sa kasingkasing—naay kasingkasing nga alang sa tanang magtutuo ug tanang iglesia, bisan unsa pay ilang kahimtang—Fil. 1:8; 2:1-4; 2 Cor. 11:28.
 - 5. Kapiot sa kasingkasing—nagtagad sa atong iglesia lokal labaw sa Lawas ni Cristo; kadako sa kasingkasing—labaw nga nagtagad sa Lawas ni Cristo kaysa sa atong iglesia lokal—Efe. 1:22-23.
 - 6. Kapiot sa kasingkasing—nagtagad sa kaugalingon natong buhat; kadako sa kasingkasing—nagtagad sa pagtukod sa Lawas ni Cristo aron mahingpit ang Bag-ong Jerusalem—4:16; Col. 2:19; Bug. 21:2.